

Umsögn frá fagráði Landspítala um breytingar á lögum um heilbrigðisþjónustu nr. 40/2007 og lögum um landlækni og lýðheilsu nr. 41/2007, refsíabyrgð heilbrigðisstofnanna og rannsókn óvæntra atvika

Fagráð Landspítala fagnar því að verið sé að endurskoða lög um refsíabyrgð og telur fyrirhugaða lagabreytingu vera gott fyrsta skref að bættu starfsumhverfi heilbrigðisstarfsfólks og öryggi sjúklinga.

Mikilvægt er að lagaumhverfið stuðli að því að hratt og örugglega sé unnið úr alvarlegum atvikum. Þau mál hafi skýran feril og að takmarkið sé alltaf að stuðla að bættri öryggismenningu. Nauðsynlegt er að tryggja sanngjarna og réttláta málsmeðferð fyrir öll hlutaðeigandi og teljum við lagabreytinguna stuðla að því.

Öryggismenning byggir á fjórum grunnþáttum; atvikaskráningu, samskiptum, samstarfi og því að stofnanir setji sér stefnu og skuldbindi sig til að tryggja öryggi.

Í góðri öryggismenningu er öryggi sjúklinga sett í öndvegi og áhættustjórnun samofin öllu sem gert er. Slík öryggismenning einkennist í meginatriðum af opnum samskiptum og gagnkvæmu trausti milli heilbrigðisstarfsfólks og sjúklinga.

Fagráð tekur undir það álit starfshópsins að nauðsynlegt sé að tryggja traust og gott samstarf heilbrigðis- og lögregluyfirvalda þegar óvænt dauðsföll verða í heilbrigðisþjónustu og stuðla þannig að sanngjarnri og réttlátri málsmeðferð.

Mikilvægt er að auka öryggi í heilbrigðisþjónustu og fækka óvæntum atvikum sem hafa alvarlegar afleiðingar í för með sér. Áætlað er að sú breyting að rannsókn alvarlegra atvika fari fyrst fram hjá Embætti landlæknis muni stytta þann tíma sem málsmeðferð tekur. Það er mikilvægt skref í þróun öryggismenningar.

Fyrir hönd fagráðs Landspítala

Marta Jóns Hjördísardóttir

Marta Jóns Hjördísardóttir formaður
martjons@landspitali.is